



# श कु न्त ला

[ राजस्थानी खण्ड काव्य ]

जग जाणै है नारी कोरी, आंसू री बनी पोटली है,  
पण जग नै हूं जतला देस्यूँ, आ मोटी शकत जोत री है ।

प्रकाशक:

देवानंद बारहठ

बारहठ प्रकाशन

फैफाना (श्रीगंगानगर)

माध्यमिक शिक्षा बोर्ड राजस्थान स्यू' कक्षा १० सारू  
स्वीकृत संस्करण

पैलो संस्करण 1974

सूत्य : 2-00

मुद्रक:

रामस्वरूप कुमावता

अनुपम प्रिण्टर्स

भुँभुनू

## मंगल कर

तू जग नारी जग री सोभा,  
जग री आभा जग धरम सार ।  
जग जग रूयूं जागी अटल जोत,  
मां, बहन, नार रो अमर प्यार ।

तू सुरसत काली, करणी है,  
तू सकति शक्ति रो भाव अमर ।  
मेरो जगती री भावी रो,  
तू मंगल कर, तू मंगल कर ।



# भूसिका

शकुन्तला की बात घड़ी जूनी है पैली पोत शकुन्तला की कथा मा' भारत नै आदि पर्व में मिलै है । इयै रो नाम 'शकुन्तलोपाख्यान' है । पण आ पुराण और इतिहास की बात है, मीची सादी, खरी खरी । न इयै में रस है और न कोई आदर्श । राजा दुष्यन्त आश्रम में आवै । कण्व हाजर कोनी । शकुन्तला स्यू राजा की प्रेम होवै पण शकुन्तला शर्त रखै— 'म्हारे जायोडै नै राजा बणावै तो थारै सागै व्याह करूँ ।' राजा शर्त मान लेवै । व्याह पाछै वो आपरी राजधानी हस्तिनापुर चलयो ज्यावै । शकुन्तला रै लडको होवै । ६ वरस कै चेटे नै सागै ले'र जद बा दुष्यन्त की सभा में पूचै तो राजा वियै नै पिछाण तो लेवै पण लोक निन्दा स्यू डर'र नट ज्यावै— 'मैं तो तनै जाणूँ कोनी ।' शकुन्तला गुस्सै होवै । राजा नै आप देणै की सोचै । बी टेम आकाशवाणी होवै— 'शकुन्तला साच बोलै है । चेटो थारो ही है । इयै नै पाल ।' सभा में सगला इयै आकाशवाणी नै सुणै । राजा शकुन्तला नै आपरी राणी बणा लेवै । मा' भारत की ई का'णी में ज्यान कोनी । आ सफा फीकी लागै है ।

२. इयँ रो नायक देवता या ऊँचे कुल रो, धीरोदात्त गुणां स्युं सम्पन्न होवै । 'शकुन्तला' रो नायक दुष्यन्त ऊँचे कुल रो क्षत्रिय राजा हे और धीरो-दात्त भी है ।

३. शृंगार, वीर और शांत रसां में स्यू कोई एक रस प्रधान होवै । 'शकुन्तला' में शृ गार रस री प्रधानता है ।

४. इयँ री कथा या तो इतिहास प्रसिद्ध होवै या सञ्जनाश्रित । 'शकुन्तला' री कथा रो आधार मा भारत और अभिज्ञान शाकुन्तल' है । या इतिहास प्रसिद्ध बात है ।

५. इयँ रै आरम्भ मे मंगलाचरण और वस्तु-निर्देश होवै है । 'शकुन्तला' रै आरम्भ मे पुराणों तरीकें स्युं तो कोई देवी-देवता री विणती कोनी पण नयै जमानै सारु कवि नारी-सगति की वन्दना जरूर करी है ।

६. एक सर्ग में एक ही छन्द रैवै । और कम स्युं कम आठ सर्ग होणा जरूरी है । 'शकुन्तला' रै हरेक सर्ग मे न्यारा छन्द है । तीसरै सर्ग मे स्वच्छन्द छन्द है पण आज रा कवि इयँ रो भी प्रयोग करण लागया है । हिन्दी में श्री सरल आपरै महा काव्य "सरदार भगतसिंह" रै बाइसवे सर्ग मे स्वच्छन्द छन्द रो ही प्रयोग करचो है । 'शकुन्तला' रै आठवे सर्ग में 'साकेत' रै नवें सर्ग

दायी गीत-शैली

इयै मे दस है ।

अपेणायो गयी है । सर्ग री संख्या

## ७. महाकाव्य

जंगल,                      में सांभ, सूरज, चाँद, रात, दिन, पहाड़,  
चाइजै                      हतु, शिकार और युद्ध रो वर्णन होणो  
। 'शकुन्तला' में इयाँ सर्ग री वर्णन है ।  
इयै भांत स्यू नियमां रै मुतावक तो ओ महाकाव्य

साफ दीखै है । जकालोग 'प्रियप्रवास' साकेत, कामायनी  
और आज रै जमाने री दूजी कई रचनावां नै महाकाव्य  
कोनी मानै और बाँ में कोई न कोई कसर काड देवै,  
वै 'शकुन्तला' रै वास्तै भी कह सकै है । कै इयै रो  
आकार छोटो है, इयै में महाकाव्य जिसी गंभीरता और  
व्यापकता कोनी और गीतां रै कारणे कथा बिखरचोडी  
सी है पण अँ सारी वांता कैता बखत इयै बात रो भी  
व्यान राखणो चाइजै कै 'शकुन्तला' नये जमाने रो  
नयो महाकाव्य है । जे इयै में कोई पुराणी शर्त पूरी न  
भी होवै तो भी इयै रो काव्य-सदेश देख'र इयै ने  
महाकाव्यत्वरी संज्ञा दी जा सकै है ।

## काव्यत्व

काव्यत्व री दृष्टि स्यू 'शकुन्तला' एक सुन्दर और  
प्रौढ रचना है । कवि इयै में शृंगार, वीर, शांत आदि  
कई रसां रो वर्णन करचो है पण खास रस शृंगार है ।  
प्रेम रै वारे में जकी वातां कैयी गयी है, बी' में व्यापक्ता  
और निरालोपण है :—



भन-भनन घूँघरा बाज्या,  
 छन-छनन पायल्यां छणकी ।  
 तपवन मधुवन सो वरण्यो ,  
 टणका री टाला भणकी ।

## राजस्थानी प्रभाव

'शकुन्तला' री कथा रो राजस्थान स्यूं चाये कोई  
 सम्बन्ध ना होवो परा कवि रै देश काल रो असर तो  
 जरूरी है । शकुन्तला कुरजा रै मार्ग आपरो संदेशो  
 भेजै । काव्य रिसी आसीस देवै 'दूधा नाहियो पूना  
 फलियो' । सिर पर पाग व दाढी रो वर्णन भी  
 राजस्थान रो याद दिवावै । कवि प्रकृति रो वर्णन  
 करतां थकां अठै कै ऊँध्यालै नै कोनी भूलै । अलग  
 अलग पात्रां री बातचीत, वारी पोशाक, आदि कई  
 बातां में राजस्थानी जीवण रो प्रभाव देख्यो जा सकै  
 है ।

## सन्देश

'शकुन्तला' महाकाव्य लिखण रो कवि रो एक खास  
 मतलब है । वो आ बताणो चावै है कै लोग नारी न  
 अबला कैवै परा असल मे वा सकति रो रूप है । ई  
 बात री घोपणा कवि-शुरु में ही करी है:-

जग जागै है नारी कोरी,  
 आँसू री वणी पोटली है ।  
 परा जग नै हूँ जतला देस्युँ,  
 आ सोटी शकत जोत री है ।

आज रै जमानै में नारी री महानता रा गुण च्यारू  
 कानी गाया जारचा है । शकुन्तला रो रूप भी नयो  
 पण लियोड़ो है । कवि नारी नै 'धरम टिकाणी' 'गीता  
 री बाणी' सत्य, शिव, सुन्दर और माणस री छेकड़  
 मंजिल मानै है । जे आज री नागी साच्याई इसी बण  
 ज्यावै तो मिनख रो भाग जाग ज्यावै और घर घर में  
 सुख, गांति व समृद्धि रो बासो हो ज्यावै । फेर तो  
 सारो समाज, देश और संसार भी इस्यो ही बण  
 ज्यावै ।

अन्त में मैं ओ विश्वास राखूँ हूँ कि कवि री कल्पना  
 नै अब खुलै मैदान मे खेलण को मोको मिलग्यो है सो  
 आगे और भी बढ़िया बढ़िया रचनावा स्यूँ राजस्थानी  
 री भंडार भर सी ।

## चन्द्रदान चारण

दिनांक २७ मई, १९६५

एम.ए., साहित्यरत्न

प्रिंसिपल,

भारतीय विद्या मन्दिर रात्रि महाविद्यालय,

वीकानेर (राजस्थान)

(ऊपर री भूमिका सम्पूर्ण काव्य स्यूँ है । पाठ्यक्रम में ईं रो  
 संक्षिप्त रूप राख्यो है )

# दो आखर

घणां दिनां स्यूं 'शकुन्तला' पर महाकाव्य लिखण री सोच राखी ही । घोरां री घरती रो मिनख जे शकुन्तला रै सागै पाड़ा, नदियां, नाला में घूमै तो इचरज री बात ही होसी, पण मां सुरसती री घणी घणी किरपां स्यूं म्हारी आ मनस्या पूरी हुई है ।

'शकुन्तला' रो कथानक महाकवि कालिदास री 'अभिज्ञान शकुन्तलम्' रै नाटक स्यूं मोटे रूप स्यूं लियो है । कहाणी कालिदासजी री है, भाव अर भासा कवि रा अपणा घरु है । 'शकुन्तला' रो विकास स्यात् म्हारै जिसै छोटै माथै नी मिनख स्यूं पार नही पड़ी हुवै, पण हूँ तो म्हारै कानी ऊँ पूरी चेष्टा करी है । कालिदासजी री शकुन्तला रै कथानक मे हूँ थोड़ी भोत हेर फेर करी है, पण ओ फरक म्हारै विचार मे इत्ती अखरण आलो कोनी, पण ईं अदला बदली स्यूं शकुन्तला रै चरित मे म्हारी निजरां में ज्यादा निखार ही आयो है । बक्त रै साथ संस्कृति, सिद्धात अर धारणावां में समय सारु अन्तर आही ज्यावै है, पण मिनखां री प्रकृति जुगां जुगा स्यूं एकसी रयी है अर एकसी ही रहसी । अतीत री 'शकुन्तला' में ईं जुग री शकुन्तला बणाणै रो पूरो जतन कर्यो है । आज री नारी नै भी दुरवासा रै शाप बरगा भटका भेलणा पड़ै है । ईं वास्तै ईं जुग में भी अणहोणी बातां कोनी । ईं जतन में जे हूँ सफल हो सक्यो हूँ तो म्हारै सौभाग री बात ही होसी । जे जुग जुग री शकुन्तला बण सकी तो मां राजस्थानी रो ही भाग मोटो मानूँ ।

भासा सारू म्हारी अगली धारणा है । राजस्थानी भासा रै खातर आपां एक निरणय पर नही पूंच सक्या, ओ आपणो दुरभाग है । भाषा जित्ती सोरी अर लोक रुचि रो ध्यान राखसी वित्ती ही जन समूह रै नेई पूंचसी । राजस्थानी रै काव्य रै प्रति आखै भारत मे घणो सम्मान अर कोड है । राजस्थानी नै अपणो मैदान तयार करणो है । ईं वास्ते हूँ तो जन रुचि रो ध्यान राख'र भासा रो ध्यान राख्यो है । हिन्दी रावै शब्द जका जी सौरै स्यूं नेई आया, अर राजस्थानी रै मूल रूप स्यूं छेड़कानी नही करी, वानै हूँ अपणायै स्यूं हिचक्यो नही । म्हारी निजर में राजस्थानी रो सलोनो भविष्य रै निरमाण में सहायक होसी: राजस्थानी भोत ही धनवान भासा है । हरेक भाव नै परकट करणो री पूरी क्षमता है । जे कठै ही कमी अखरे तो वा भासा में नही, भासा लिखए आला री है । ईं कमी खातर हूं हाथ जोड़'र माफी मांगू हूं ।

जगत मानीज्ये कवि रै नाटक स्यूं कथानक ले'र मौलिक रूप स्यूं लिखणै रो हूं दुस्ताहस ही कर,यो है । पण आतो मनपसन्द री बात है । जग पसन्द होसी के नही, आ तो विद्वानां अर पाठकां सारू है । पण म्हारी तो आ मनोकामना रही है के मां राजस्थानी री की सेवा कर सकूं ।

अन्त में हूं श्री चन्द्रदानजी चारण रो घणो आभारी हूँ जकां म्हारी पोथी री भूमिका लिखी । सागै राजस्थानी रै मोटै विद्वानां रो भी घणो एहसान म्हारै सिर माथे है जकां मनै लिखणै री प्रेरणा देता रवै है । म्हारै साथी संगलियां रै तो गुण भूल ही नहीं सकूं जकां मनै दिनरात लिखणै रो होसलो देता रवै ।

भूल छूक री माफी मांगू हूँ ।

## लेखक री दूजी पोथ्यां

### बाजस्थानी-

- (१) भिडियो (बाल -काव्य)
- (२) भर भर कंथा (कविता-संग्रह)
- (३) आदमी रो सीग (कहानी-संग्रह)

### हिन्दी

- (१) बड़वानल (कविता-संग्रह)
- (२) कलाई का धागा (उपन्यास)
- (३) प्रेमलता (उपन्यास)
- (४) चाय के धब्बे (उपन्यास)
- (५) कुहरा और किरणें (उपन्यास)
- (६) औरत और जहर (कहानी संग्रह)

## पैलो सर्ग

पेड़ां री छायां बैठ्यो,  
हो विश्वमित्र तप ज्ञानी ।  
चिन्तन में घणो मगन हो,  
हो परम लोक रो ध्यानी ।

भड़ भड़ पत्ता भड़ता हा,  
ही पतभड़ री रीतु आई ।  
बै एक एक पड़ता हा,  
हूँणी री मनस्या आही ।

दरखत रा गाल हरया हा,  
सांपड़दै प्राण भग्या हा ।  
सूका ठूठां सा होग्या,  
कीं खातर अबै खड्या हा ।

जद पून चली आयूणी,  
पत्ता सागै सै हाल्या ।  
कीं अटक्या बीच मगां में,  
कीं दूर दूर तक चाल्या ।

सोची मन में आ जोगी,  
ओ कूड़ो जग रो बासो ।  
पड़स्यां पत्ता ज्यूँ जग में,  
ओ भूठो सुख रो सांसो ।

आ ममता घणी घनीरणी,  
हाँ एक एक स्यूँ दूजा ।  
माया रो भूठो पड़पच,  
अँ कूड़ा बावां वूजा ।

बस केवल नाम सही है,  
बो मोटो राम सही है ।  
जित्तो तप में म्हे तपस्यां,  
वित्तो ही काम सही है ।

जा जंगल में बै' जम्या,  
अन्तर जगती में रम्या ।  
इकलंग बै खड़्या रह्या हा,  
बीं रामनाम में गम्या ।

थर थर इन्द्रासण धूज्यो,  
मन रो अनुशासण कांप्यो ।  
बो काया कांट उतारै,  
माया रो शासण कांप्यो ।

देवां री सभा जुड़ाई,  
सगळी आ बात बताई ।  
चिन्ता में डूब्या सगळा,  
इन्दर काया अलसाई ।

इन्दर बोल्यो, हे देवो,  
धरती पर तापै जोगी ॥  
है इन्द्रासण री भूखो;  
है राजपाट री रोमी ॥

तप भंग हुवै के बिष है,  
सोचो स्याणां भेळा हो ॥  
औसर खोयां रोवांला;  
माथे भूवै सगळा रो ।

नारद बोल्यो 'हूं कहद्यूं,  
वर री दुरबलता नाशी ॥  
धन मन नै खींच लियावै,  
आ मोहक रूप सुंवारी ॥

अब तुरत चुलावो अजौ,  
आ परी मेनका मनहर ॥  
नाचण में जड़ नै हर ले,  
वेतन भूमै हर एग घर ॥



भन-भनन घूँघरा बाज्याः  
छन-छनन पायल्या छराकी ।  
तपवन मधुवन सो बराग्योः  
टराकां री टाळा भराकी ।

चट-चटक फूलड़ा महक्याः  
कू-कुहू कोयल्या बोली ।  
घू-घुँहूँ भँवरिया आयाः  
हँसा री आई टोळी ।

हा कमल खिल्या सरवरियैः  
रूँखां री पतभड भाज्यो ।  
जौबन री काया भूमीः  
लाजां री हिवडो लाज्यो ।

भुक-भूम मेनका नाचीः  
ही हार जीत री बाजी ।  
धरती री माणस जीतैः  
तो इन्द्रपुरी सा लाजी ।

परा जोगी हणै अडिग होः  
बो अन्तर जगत रमै हो ।  
इकलँग नरतन रमणी रोः  
पग पग कठैहि न थमै हो ।

जे इन्नै काम परबल हो,  
तो बिन्नै राम सबळ हो ।  
ई काम राम रै जुध में,  
कीं प्रेम-भाव रो बळ हो ॥

पण अन्त मेनका हारी,  
बोली 'हूँ' चारी माड़ी ॥  
जु जोगी जग रो जीत्यो,  
आ काया चरणां डाळी ॥

है जोग जगत में मोटो,  
के प्रेम भाव है छोटी ।  
अ जोग प्रेम में रमज्या,  
है प्रेम जोग स्युं मोटो ॥

हिंवड़ें री कळियां खिलगी,  
काया नै ममता मिलगी ॥  
मनमधु री सरस हिलोरां,  
वै इकरस में हिल मिलगी ।

अब फूल खिल्यो ई रज में,  
मां बोली, 'धरती' पांजी ।  
जावण री चेळा आई,  
हूँ करम धरम स्युं बांशी ॥

ओ फूल मात सम्हाळी,  
 बेटी री विपदा टाळी ।  
 ओ सुरग घरा रो एको,  
 तू पूरै मन स्यू पाळी ।

सरवर रै पाळ पड़ी ही,  
 जाणै ज्यू लाल जड़ी ही ।  
 रूखा री ऊपर छाया,  
 ही खड़ी शकुन्त रुखाळी ।

चूंचा स्यू पाणी ल्यावै,  
 इमरत सी धार पिलावै ।  
 एहड़ी घड़िया में फिरता,  
 इन कण्व रीसीजी घावै ।

गीगी नै गोदी लेली,  
 पछी शकुन्त नै देख्यो ।  
 लाड कोड स्यू बीं रो,  
 सुनाम 'शकुन्तला' राख्यो ।

## दूजो सर्ग

मधु री मतवाळी मारुत रो  
हरण राज सांतरो छायो हो ।  
जौबन लजवन्ती नैणा में  
अब पुळक पुळक मुळकायो हो ।

भर भर भरणा भरता हा,  
निरमळ रूप सो रूप लियां ।  
धरती काया नै कंवळी कर,  
चालै हा रंग सरूप कर्यां ।

सूणी लागै ही धरा घणी,  
सा हरी हरी ही कणी कणी ।  
जोवै नैणा ही जणी जणी,  
जाणै मूंगा री मणी घणी ।

भँवरा घूमै हा कळी कळी,  
सूँघै हा सूणी भली भली !  
भाला दे हा सै भूम भूम,  
सौरभ बंटै ही घणी घणी ।

अम्बर रो रंग सुरंगो हो,  
चन्दे री आभा सूणी हो ।  
आभै रै सुमनां स्यूँ साची,  
धरती री दुनियाँ दूणी हो ।

मधु प्यार पगलिया ले लीन्या,  
पायलियां भराकै जगां जगां ।  
नैरा मंगलिया भुबळक भुबळक,  
हा हेत खिडावै मगां मगां ।

ईं उभरै रूप बसन्ती में,  
ही फिरै सकुन्तला बणी ठणी ।  
कानां में फूल भुमरिया हा,  
छाती पर आंगी तणी तणी ।

बा गौरी बरण गौरज्यासी,  
ही आंख कटारा सी तिरछी ।  
ज्यूँ नाक नुकीली सूअर री,  
ही कमर कमाणी-सी पतळी ।

सखियां रै साथ इसी सोवै,  
ज्यूँ चिरम्यां में मोती अनूप ।  
होठां पर हास इसो मोहै,  
ज्यूँ तारा री जोती सरूप ।

बो लाज प्यार रो मूर्त रूप,  
अल्हड़ जौवन भुक भूम फिरै ।  
पलकै मुलकै कर निरत थिरक,  
कम्पन धड़कन नव नूर भरै ।

‘हा, हा,’ री हँसी बिखरै ही,  
जाणै मस्ती रो रंग उड़ै ।  
जगल री हिंसा थमगी ही,  
ओ हेत-भाव विखर्यो सगलै ।

बा फटिक शिला पर जा बैठी,  
जल जठै किलोळीं हो चढ़र्यो ।  
बीं जल रै निरमल दरपण में,  
मुखड़ै रो रूप सरूप बण्यो ।

आ धरा धरी या नीर परी,  
या नभस्यूं उतरी देवनार ।  
पलकां में सदा रखण जोगी,  
के सूणापो आग्यो अपार ।

हड़बड़ाट उठ्यो तपोवन में,  
भभड़क्या सगला खड़्या हिरण ।  
रोही मे मचगी धुंआधार,  
अंधड़ स्यूं ढकगी लाल किरण ।

रूखा स्यूं पंछी भाज खड़्या,  
 बरणाठ ऊपड़यो सखियां रो ।  
 मिळग्यो घणकरोर भेळापो,  
 रंग बदळयो छग में अंखिया रो ।

बिलबिल करता बचिया रहग्या,  
 मां भिड़क भाजगी दूर कठै ।  
 परधुरी बड़ी ही कई नार,  
 बे पूछो 'थे हो अठै कठै ।'

'के बात हुई, के बात हुई ?  
 कण विकळ करी आ तपोभूम ?  
 ओ कण्व रीसी रो आश्रम है,  
 आ प्रेम-भूम आ शान्त भूम'

घुड़लां री टापां 'खटट, खटट,  
 नेड़ै सी सुगन में आई ।  
 इक ठौड़ शकुन्तला खड़ी रही,  
 आ ठहर्यो रथ इक सामै ही ।

रथ में बैठ्यो हो वीर पुरुष,  
 मुखड़े पर मूँछयां मुग्लांती ।  
 भुजदंड वीर रा बबबर-सा,  
 नैण मरदानगी मदमाती ।

सिर मुकुट हाथ में धनस लियां,  
हो कवच तण्यो हो कजराळो ।  
सोनै रै रथ में इसो जचै,  
ज्यूं कामदेव हो मतवाळो ।

बा खड़ी धरा ज्यूं मांडचोड़ी,  
ही छुई मुई सी लजवन्ती ।  
मूरत ज्यूं मूक तपस्या री,  
जोगण सी चिर थिर जड़वन्ती ।

टक गड़गी ही बीरें ऊपर,  
बा गड़गी ज्यूं भू रै भीतर ।  
टक हिली नहीं बा डुली नहीं,  
ज्यूं द्वैत अर अद्वैत अमर ।

जद अलक उठा कीं पलक उठा,  
नैणा स्यूं जोई शकुन्तला ।  
चपल तार जुड़ग्या चपला रा,  
हिवड़ां रा जगमगग्या दिवला ।

धड़कन कम्पन होगी तन में,  
हिय में भावां रो ज्वार उठयो ।  
आंधी सी आई मस्तक में  
सो हलचल रो संसार बण्यो ।



पग हाल्या सा धरती हाली,  
लागै अम्बर हलचल मचगी ।  
डोलण लाग्या सै दिग दिगन्त,  
नैणा नै राह नहीं सुभी

ऊँच पंचूल चाली शकुन्त,  
नैणा में छायो अंधियारो ।  
कीं डाळ पकड़ कीं आप सम्हळ,  
आखर आंचल नै उलभायो ।

लैरै भांकी, ओ होग्यो के ?'  
बो पट सुळभावै खड़्यो खड़्यो ।  
भट भांक मुँह नै फेर लियो,  
बो इकटक जोवै गड़्यो गड़्यो ।

बोल्यो 'कुण है ? कूँकर आई ?  
कूँकर तू पूठी चाल पड़ी ?  
नैणा में नेह उड़ैल दियो,  
हिय रो थाह उखाड़ चली ।

ओ रूपकळा, लावण्यमयी,  
तेरी सी धरा नहीं जामी ।  
नाम ठाम तो नहीं जाणू,  
जाणू तू मेरी जिन्दगानी ।

री प्रेम न पूछै जात पात,  
ओ प्रेम न जाणै नाम ठाम ।  
री प्रेम पूर्ण परमेशर है,  
ओ सकल धरम रो सकल धाम ।

घट घट में बैठ्यो प्रेम देव,  
हर हिय में ईंरी ढाणी है ।  
आ बात कियों समझाऊँ, तूँ,  
मेरे हिवड़ै री राणी है ।

फूटी बाणी बां बोझा स्यूँ,  
'जोड़ी तो इसी बणै कोनी ।  
मत चूक शकुन्तला औसर है,  
ओ औसर भलै मिलै कोनी ।'

दोनां रै गल वन माळा हो,  
दोना री आंख्या आंख्या में ।  
दोनां रा सपना साची हा,  
कीं भाव बण्या कीं भासा में ।

अब तुरत बुलाऊँला, तन्नै,  
अव रथ सजीलो सज आसी ।  
आ लेव मूंदड़ी सैनाणी,  
मिलणै री वेळा फिर आसी ।

## तीजो सर्ग

बायरियो सूत्यो नींदइली,  
ढळती रजनी रो ढळे चांद ।  
दिमटिम तारा हा कठे कठे,  
लंगस में हा बिन जात पांत ।

रूखा रा पत्ता सोया हा,  
आखी जगती ज्यूं मौन खड़ी,  
जळ जप्यो ऐन ही जोगी सो,  
ज्यूं धाप्योड़ी सी रैन पड़ी ।

सै चिड़ा चिड़कल्यां आलणियें,  
जप्या हा सोरी नींदइल्यां ।  
जाणं सूती मां बसुन्धरा,  
ले अपण आखा टाबरिया ।

सुध ओढी सूती शकुन्तला,  
नींदइली बैरण उचटी ही ।  
पसवाड़ो फोरें बार-बार,  
आवण आगी इक हिचकी ही ।

पण ओल्यूं मीठी पीड़ लियां,  
हिवड़े में भोळ उठावै ही ।  
सोयो नैणा में कन्त जणां,  
बा नींद भळै क्यूँ आवै ही ।

आभा फूटी अब पूरब में,  
चंदे रो मुखड़ो फीको हो ।  
तीतर बीतर होग्या तारा,  
अम्बर रो आंचळ नीको हो ।

घड़ियाल बज्या अब मिन्दर रा,  
धन-धनन नगारा गूंजउठ्या ।  
भन-भनन भांभ भकार उठी,  
सैं पख पखेरू कूंज, उठ्या ।

बण परमेशर नै याद कर्यो,  
'हे जगत पिता हे जगदीशर ।  
तू अग जग भाग विधाता है,  
तू ही बाहर तू ही भीतर !

म्हे अबळ सकळ जगती प्राणी,  
तूँ सबळ सरब है शक्तिवाण ।  
म्हे दास सदा तेरा स्यामी,  
आखै जग रो है तूँ विधान ।

म्हे करम करां तेरै सिर पर,  
नेम घरम स्यूँ सही मान ।  
आगै भविष तेरै सिर पर,  
म्हानै तूँ भोळा मिनख जाण ।

म्हे आंधा, लूला, लंगड़ा हाँ,  
तू राखी रथ री डोर साम ।  
आछी या माड़ी तूँ करसी,  
सो तेरो ही है काम धाम ।

म्हे तेरा हाँ तू म्हारो है,  
ओ सकल मोह रो डेरो है ।  
पण जीव जगत में भेज्योड़ा,  
राखां हा तेरो मेरो है ।

सुख दुख है म्हारै करमां स्यूँ ।  
पण तेरी महर सदा ऊँची ।  
तूँ दीन हीन रो साथी है,  
तूँ करम भाग री है कूँची ।

के मांगू तुच्छ भिखारण हूँ,  
तूँ मोटो धणी महादानी ।  
म्हारै तूँ भाग-विधाता रो,  
सौभाग सदा ऊँचो मानी ।

अब याद करयो बरण परणीज्यो,  
बा मेल सुदडी मूरत-सी ।  
भरतार कऊ करतार कऊ,  
पन दूर न होव सूरतडी ।

छग छग गी घणी अडीक मनै,  
ऊभी हो जोऊ बाटडली ।  
नित लीक भीत पर खीचू हूँ,  
मारग में देख घडी घडी ।

इक पल बीतै ज्युं जुग बीतै,  
क्युं आग विरह री सुलगाग्यो ।  
मेलो घड़ियां री इसो बण्यो,  
हिवडै में होळी कर भाज्यो ।

नागी के है ? इक कुसमलता,  
भूठो देही री गरब करै ।  
नर लख चढे तो हरी-रवै,  
नीच नारा सा निस्ट करै ।

आ सुरजमुखी, सुरज सामै,  
सौचै है सूणी खिली खिली ।  
आ मीन बापडी जळ जीवी,  
जळ में है रहवै हिली मिली ।

चपला बिन मेघ कियां सोदैं,  
 मोनी बिन आभा भाटो है ।  
 भाणस बिन मनस्था गति हीण,  
 जोभण सो जीणो काठो है ।

कै इसै काम में जा फंस्या,  
 भोळी नै जाँर भुला दीनी ।  
 दो घड़ी मोह रैं बसोभूत,  
 जीवण भर मनै सजा दीनी ।

कन्त में उलझी मांय शकुन्त,  
 बारै दुरवासा आय खड़चो ।  
 हेल्यो मार्यो बण 'भीख घाल',  
 रिसीयां में मोटो भोत बड़ो ।

अन्तर जगती में रम्मेड़ी,  
 मीठा गुटका में गम्मेड़ी ।  
 बा बहिरजगत री कियां सुणै,  
 जद कन्त सन्त स्यूं बिलमेड़ी ।

हाँका कर धाप्यो दुरवासा,  
 कूँटो शकुन्त री नहीं खुल्यो ।  
 आंख्यां री तोरी चढ़गी हीं,  
 अर रोम रोम में रोष भर्यो ।

मोड़ै गाड़्यो लठ रीसा में,  
 बारें शकुन्तला भट आई ।  
 भैरव सो ऊभो देख मोड़,  
 कंवळी नारी हण कुंठलाई ॥

बोल्हो साधू, "अै शकुन्तला,  
 अपमान न सैवै-दुरवासा ।  
 भरतार तनै जा भूलैलो,  
 जंगळ में करसी घरबासा ।

बिजळी-सी कड़की आ बाणी,  
 अड़गी शकुन्तला रै माथै में ।  
 जड़सी होगी सा देह तुरंत,  
 ज्युं ज्यान गई सराटि में ।

बोली बा आखर धीरधार,  
 "बाबाजी आछो नेह कर्यो ।  
 बेटी री ऊभी खेती पर,  
 ओ चोखो मीठो मेह कर्यो ॥

थे मोटा मोहड़ा माणस हो,  
 तपस्युं तापी है देह सकल ।  
 आखी जगती नै ताप्योड़ी,  
 थारी है सुळभी घणी अकल ॥



म्हें टावर, छोटी वृद्धि रा...  
होटा, रो दूध नहीं, सूकयी ।  
के जाणा अच्छी मंदी नै...  
के धरम अर अधरम, करयो ।

मोटा माणस जे रीस करे,  
छोट री ओछी अकल पर...  
सागर जे धीरज खो देवै...  
धरती री माड़ी हलचल पर ।

माड़ी चिन्तै जे मोटापो...  
ओछी सोचै जे अच्छाई...  
तपस्युं क्यूं तपसी, धरा इयां...  
कंवली होसी क्यूं करड़ाई ।

जे दोष बिना हो दड मिलै...  
जे पाप बिना ही नरक धाम ।  
तो धरम धरा पर क्यूं रहसी...  
क्यूं टिकसी जग में भलो काम ।

मान्या तान्या जे रीसी लोग...  
कोड़ी दाणा पर बिक ज्यासी ।  
तो भगवां गावा बाबाजी...  
दाणा जोगा ही रह ज्यासी ।

ये तप रै बळ रो तरणावट,  
अली बुरो तो नहीं सोच्यो ।  
मोटा माइत हो पू च्योड़ा,  
जेटी कानी तो ना लोच्यो ।

मैं माने ताने थारो करती,  
प्राछी करती हूँ अगवाणी ।  
जे म्हारै खातर थे कहत,  
सौभागवती हो कल्याणी ।

हो पति रै ध्यान मगल ईसी,  
हूँ सुण न सकी थारी बाणी ।  
ओ सापे बताओ कियां मिले,  
आ बात गुरुजी नहीं जाणी ।

हूँ भटकू भूडै भाटां से,  
रोऊँ रोही में रुळी रुळी ।  
माइत रो हिवड़ी हरसावे,  
आ बात जंगत में नहीं सुणी ।

गळगळी शकुन्तल होगी ही,  
बसबसिया पाटचो हियो सबळ ।  
बरसण लाग्या हा नैण कमल,  
नारी री असली रूप संजळ ।

साधू रो बादू रूप छिप्यो,  
 अब मुनि रो माइत जाग उठ्यो ।  
 आंख्या गीली सी होगी ही,  
 अन्तर में दाव्यो नेह जम्यो ।

बोल्थो बो, 'वेटी शकुन्तला,  
 साधू तो' मिनख अधूरी है ।  
 थोथो भांडो विन पाणी रो,  
 टें टें बोलै बस कूड़ो है ।

तप पर करड़ावण करां जकी,  
 हूं जाणी साची रुड़ी है ।  
 हां करमहीण काळस जगरा,  
 आ साची तपस्या तूड़ी है ।

जे काया माया में रैती,  
 ममता रो अकल सकल आंती ।  
 जग में रहणै स्यू जीवण रो,  
 परिभाषा सही समझ आती ।

ई जगस्यू लैर छुडाणों ही,  
 जोगी सो असली धरम नहीं ।  
 जे भोभी हो जोगी रहले,  
 वो जीवण रो है मरम सही ।

चेटी आ मेरी मूल जाण,  
बिन सोचे भाखी वात जणों ।  
कोई सैन्याणी देख फेर,  
भरतार करैलो याद तनै ।

चेटी रै सिर पर हाथ फेर,  
मुड़गे दुरचासा दूर गयो ।  
मनहार शकुन्तला मांय बड़ी,  
अणचित्यो मन में सोच हुयो ।

अँ काया तेरै करमां में,  
के के भावी रा जाल बिछ्या ।  
अरै बिधाता ईं पोथी में,  
काळा पीळा के लेख लिख्या ।

के दिनगे ही के अब बीतै,  
ओ मोडो कठऊँ आय मर्यो ।  
मेरै सपनै रो दुनियां में,  
भूँड़ै माथे रो आय खड़यो ।

चिन्ता में डूबी शकुन्तला,  
जा पड़ी ईश रै चरणां में ।  
मैं सुणी इयां थे दीनबन्धु,  
करुणा सागर हो करुणामय ।

फट हो खड़ी बगली सम्भाल,  
 मुंदड़ी रो, गाँची गैनामी ।  
 भट चुम हिये में बिपकोई,  
 मेरे भावी न सुनभाणी ।

हिवड़े में चाली लूयांमी,  
 खूखू करती आँची आई ।  
 तप्पण लाग्यो हो ऊँचाळो,  
 कूँड़ा खूखा रो कुम्हळाई ।

अम्बर में तप्पे सूरजड़ा,  
 हिय में तप्पे ही बिरह आग ।  
 इन्नै नैणा रो नीर जळै,  
 बीन्नै धरती रा बळै वाग ।

भड़ भड़ पत्ता हा भड़ घस्या,  
 धरती रो आंचळ पीळो हो ।  
 काया शकुन्त री छोण हुवे,  
 पलकां रो आंगण गीलों हो ।

जे धरा जळै तो सागर रे,  
 हिवड़े में ऊँची हूल उठै ।  
 मिलण री बेळा इसी हुवे,  
 दोनां रा हिवड़ा भूल उठै ।

दिवलै रो प्रेम पतंगें में,  
दोनां रा मीनड़ा जळै घणा ।  
घण रो है मोह पपीहै स्यूं,  
भाज्यो आवै है दूर जणां !

बा कंदे रूख र ऊपर चड,  
जोवै बादळ री टोखां में ।  
टप टप री कूड़ां टोपा में,  
आवै बाजद कंदे धोखां में ।

बा कंदे नदी र तीर फिरै,  
रूखा र ओल जाय धुलै ।  
घिर घिर पूछे बा पछ्या नै,  
जे थानै धुड़ला टोप सुणै

बा फिरै बावळी केश खिडा,  
होटां पर फेफी आली ही ।  
बा लता कुंज री इसी बणी,  
ज्यू अलसाई बिन माळी ही ।

चटकें चटकें पूठी चाली,  
पूंची बाँव रो कुटिया में।  
बै गुंफा छोड़ रे आया हा,  
रम्मेड़ा माळा मिणिया में।

बा बौली, मोटी मुनीदेव,  
अन्तरध्यानी हो अलखलखी।  
मुकती रो मारग अपणायो,  
जोगीरी जुगतां न परखी।

रीधी सीधी स्यू ऊपर थे,  
पूंच्योडा ग्यानी ध्यानी हो।  
है तेज तपस्या रो पूरो,  
थे परमधाम रा मानी हो।

थे परमारथ रो पुण्य घणों,  
भेळो कर राख्यो भोळी में।  
गया सांकड़ सच्चिदानंद,  
पूंच्या परमेश्वर पोळी में।

पण अन्तर नैणा खुली रवै,  
हो भौतिक जगस्यू फलक बंदे।  
ई मन रो मुकती खातर ही,  
जे मुनि रो होवै मोक्ष मंत्र।

आमै, री अलख अटारी में  
 कुटिया जे सत्त बरणा लेवै  
 धरती स्युं अप्रणो धरम तोड़  
 धरणी जे गगन रमा लेवै

पर री पीड़ा स्युं परै हो र  
 परलोकी भूळै निस्क्रामी  
 कर निरो नेह नरायण स्युं  
 नर स्युं भागै हो निस्पापी

गुफा बड़े जे ग्यान ध्यान  
 जंगल जोवै जे जोगी जण  
 भगवो भागै जे भाटां में  
 हूँठ पत्थर में परमानंद

तो भोळापै नै फेर भूळै  
 कुण भलो राह बतावैलो  
 रोही में रुळता मिनखां नै  
 कुण जीवण मरम सुभावैलो

अब कण्व कयो, 'क्यूं आज इयां,  
 दरशन री मोटो बात करो।  
 क्यूं परमेश्वर री बेला में,  
 मन नै यूं सज्ताप करो।



थे बात इयां क्यूं भाखी आ,  
म्हाने थे बात बता देओ ।  
माणस तो आखर माणस है,  
के भूल हुई जतळा देओ ।

मां बोली, 'थे तो दुनियां स्यू,'  
अपणो ओ मुखड़ो मोड़चो है ।  
सागण स्यूं नेह लगा लीन्यो,  
आपण स्यूं नातो तोड़चो है ।

थारी लाडसर डावड़ली,  
जंगळा में भटकै भूंडी सी ।  
रूखां स्यूं बैठी बात करै,  
दाह में ऐन दब्योड़ी सी ।

जे भोळी नारी जीवण नै,  
दुरवासा इयां रुळा देसी ।  
तो घरती री माता अपणो,  
गरबीलो रूप गळा देसी ।

के काम साधना आई आ,  
के तोल तुलैलो तापस ओ ।  
माइत भूलै जे माइतपण,  
तो मोल घटेलो माइत रो ।

माइत री मोटी मरजादा,  
 माइत है मोटो तपधारी ।  
 माइत रो धरम निभाले तो,  
 माइत है पूरो अवतारी ।

अब कण्व कयो, 'हूँ भूल्यो हो,  
 मनै न शकुन्त रो ध्यान रयो ।  
 जोगी जागै के जगती रो,  
 थे कयो हरणै तो ग्यान हुयो ।

जाओ सगळा नै कहलाद्यो,  
 शाकुन्त सासरै जावैली ।  
 भेजण री करल्यो तैयारी,  
 हण देर न होवण पावैली ।

बी कण्व रिसी री आ वाणी,  
 पूंची आश्रम री हर कूंटं ।  
 रूँ रूँ शकुन्तला हर्या हुया,  
 खिलग्या नारी रा सै बूंटं ।

सखियां सारी भाजी आई,  
 फुटरापो और सजावण नै ।  
 पीरै रो पूरो रूप भाड़,  
 हण सासरलो सिणगारण नै ।

अब कण्व संदेशो आं पूंच्यो,  
बाई नै वेगो भीर करां ।  
मां संग गीतमी जावली,  
सागै रखवाळा दीय करां ।

सोळा सिरागारी शकुन्तला,  
हरा तयार सासरें जावणा नै ।  
इक नैरा हँस, इक नैरा रुदन,  
आ जीत करे कीं खावणा नै ।

आगै चालै ही शकुन्तला,  
लारै सखियां री लडालूम ।  
बा हालै ही पग थाम थाम,  
धरती री रज नै चूम चूम ।

पलकां नीची हा होठ बन्द,  
कर कोमल पट मे ढक्याढूम ।  
नैरा जोवै ही धरती नै,  
ज्यू लज्जा री सागण सेरूप ।

सखियां लैरें हळवां हळवां,  
बाई रा बसतर सामै ही ।  
निजर न लागै ई काया नै,  
पर नैरा ओटे थामै ही ।

बारें ऊभा हा कण्व मुनि,  
बाई नै भीर करावण नै,  
सारें ऊभी ही माताजी,  
सागें बाई रै जावण नै ।

बाई नै आती देख मुनि,  
दो कदम और आगें चाल्या ।  
आ गिरी शकुन्तल चरणां में,  
बाबै बाई रा कर भाल्या ।

बाई आ कहणो चावै ही,  
'आशीश देओ थे बाबाजी ।'  
पण गळो गळगळो होग्यो हो,  
बोली बस केवल 'बाबाजी' ।

बोल्हो बाबो, बेटी शकुन्त,  
तेरें बिछोह री बेळा है ।  
बाई जावै तूँ सासरलै,  
अ तो जीवण रा खेला है ।

बाबै रो घर तेरो कोनी,  
ओ आज तलक ही तेरो हो ।  
बेटी रा माइत सास ससुर,  
माइत रो घर तो डेरो है ।

बाबों बोल्यो की धीर धार,  
हूँ जाण्यो हूँ तो जोगी हूँ ।  
हूँ बाप साथ बेटी रो हूँ,  
हूँ जाण्यो हूँ निरभागी हूँ ।

ईं दुख नै कोई के जाणै,  
केवल जाणैलो बाप सदा ।  
औसर समझैलो बाप आप,  
जद करसी बेटी बाप बिदा ॥

बेटी, तूँ के तेरै सागै,  
ईं घर रो मोहक रूप गयो ।  
लागैलो आश्रम सुनो सो,  
मेरी भूमि रो भूप गयो ॥

री, मैं के ओ मेरै सागै,  
ओ खड़यो हिवाळो रोवै है ।  
धरती रोवै, अम्बर रोवै,  
आश्रम मे कण कण रोवै है ।

सखियां रोवै, माता रोवै,  
औ पंख पखेरु आ पूँच्या ।  
गायां हिरण्या सै आश्रम री,  
गळगळा गळा आखा रूँध्या ॥

जी गळियां घूम्या करती हो,  
बे गळियां सूनी लागैली ॥  
तू आया जाया करती हो,  
ओ डोढ़्यां खावण आवैली ॥

तू गायं दूया करती हो,  
ओ गायं नहीं दुहावैली ।  
सै सागै जावण नै वेटी,  
ओ खूंट घणी तुड़ावैली ।

मै हिरण्णा तेरी साथण है,  
ओ रोज हियं में रोवैली ।  
तेरै खोजां नै सूंघ सूंघ,  
कोसां रोजीना जावैली ॥

गायां रो दूध सूक ज्यागो,  
कोयलड़्यां मुमसुम हो ज्यासी ॥  
सै फूल वळैगा बागां रा,  
रूखा रो कूपलं भड़ ज्यासी ।

पंछी भाजैला बाग छोड़,  
सरवर रो पाणी सूकैलो ॥  
वेटी तेरै बिन सात्री कू,  
ओ आश्वस कोजो लागैलो ।

गायां थें वयूँ भांको हों,  
 बाई नै अठै भिजायूँला ।  
 हिरण्यां थें अब वयूँ रोओ हों,  
 बाई नै बेगि बुलायूँला ।

गळो बाप रों भरि आयो,  
 बेटी री आंख्यां बरस पड़ी ।  
 माता री आंख्यां गीली ही,  
 रोवै ही सखियां खड़ी खड़ी ।

सखियां स्यूँ बोली अब शकुन्त,  
 मन में कीं थोड़ी धीर धार ।  
 थे बाबाजी री सुध लीज्यो,  
 म्हारो बापू स्यूँ घणो प्यार ।

बेलां में पाणी दे दीज्यो,  
 गाया री सुधियां ले लीज्यो ।  
 करज्यो हिरण्यां स्यूँ प्यार घणो,  
 बेटी नै बाफर नेह दीज्यो ।

सखियां बोली, म्हारी साथण,  
 कुण म्हारी सुध बुघ लेवैलो ।  
 ऐड़ी तूँ नेह जुड़ा चाली,  
 ऐ नैणा कौण धुआवैलो ।

आँ प्यार भरेड़ा प्याला सूँ,  
उफणै हा नेह रा आँसूड़ा !  
कुण धीर धरावै ईं औसर,  
सारां रा हिवड़ा एक जुड़चा !

हळवां हळवां सै चाल पड़चा,  
ज्यूं परवा रा बादल चालै ।  
सैं नैण वरसता चालै हा,  
सै संग सहेल्यां बै हालै ।

मागै हिरण्या सागै गायां,  
सै पंख पंखेरू सागै हा ।  
सागै जाणै री बात करै,  
जग हालै सारा आगै हा ।

बाबोजी बोल्या हण बेटी,  
तेगो सुख उपवन लहरावै ।  
दूधा नाहो, पूतां फळियो,  
पति रै सुख में सरसावै ।

पूठो सो आश्रम चाल पड़यो,  
आँसूड़ा आँख्यां न्हावै ही ।  
मुंदड़ी सम्हाळ, चाली शकुन्त,  
दो रीसीकुंवर, मां सागै ही ।



## पांचवीं सर्ग

दरबार लागर्यो मोटोड़ो,  
सामंत सांतरा बिराजमान ।  
मसनद पर बैठ्या हा वजीर,  
सिरदार सांकड़ा घणैमान ।

आंख्या सगळां री लाल लाल,  
मूँछ्यां ही भैवरा खायेड़ी ।  
तप तेज तपै हो माथै पर,  
सगळां री दाड़्यां बाहेड़ी ।

सिर पर पाग सँभाळोड़ी,  
तरवार हाथ में थाम्योड़ी ।  
रण रा बांकड़ला बीर जियाँ,  
काया पोरस में घाप्योड़ी ।

सोनै री कुरस्यां सिणगारी,  
भीतां पर चित्र बगोड़ा हा ।  
बै एक एक स्यूँ सूणा हा,  
मोत्यां स्यूँ घणा जड़ेड़ा हा ।

कीमै तो जोधा जूझै हा,  
कीमै पुळकै हो पुळक प्यार ।  
कठैही मुळकै हा फूल घणा,  
कठैही मटकावै नैण नार ।

कठैही हिंवाळो ऊभो हो,  
माथै पर धोळी पाग बांध ।  
कठैही किलोळां करै सलिल,  
बिच में न्हावै हो मधुर चंद ।

कठैही माता री धरती पर,  
लहरावै श्यामल सरस धान ।  
कठैही प्रात री बेळा में,  
ऊभो हो मां रो धन किसान ।

कठैही देवता मांडचोड़ा,  
मोटा माणस हा छांटचोड़ा ।  
ध्यानी मानी हा कठैही कठै,  
वेदां रा आखर बिन मोल्या ।

औ मूक जीव ईं भूमि रो,  
सो ऊँडो भेद बतावै हा ।  
ओ संगम इसो बण्णेड़ो हो,  
जन मानस रै मन भावै हा ।

इत्तौ में इक हलचल मचगी,  
 बेळा होगी निरप आवण री ।  
 'घणी खम्भा अन्नदाता' री  
 बाणी फूटी जम ज्यावण री ।

हण देशघणी हो आ पूंच्यो,  
 जचग्या हा आ सिंहासण पर  
 सौने रो ताज सांतरो हो,  
 ज्यूं संयम होवै शासण पर ।

ऊपर मन मौज किलंगी ही,  
 ज्यूं अहमभाव पर अंकुश हो ।  
 ईं निरपभेस में सिणग्यारी,  
 ज्यूं धरती फैल्यो सृजस हो ।

राजा बोल्यो हण 'सामन्तो,  
 है आज काम मोटो करणो ।  
 राजनीत में लोकनीत रो,  
 इक सुन्दर सो संगम करणो ।

शासक शासित री एक लड़ी,  
 जे आरज भू पर बरा ज्यावै ।  
 शामक रो घट ज्या काज भार,  
 शासित रो मन बळ बढ ज्यावै ।

हर गांव बगैलो इक शासण,  
शासण में सगळा सीर करै ।  
भेळा हो सगळा चाल पड़ा,  
सै मिलज्या जे कीं भीड़ पड़े ।

संबळ स्यूं शासण नहीं जमै,  
बुद्धि नै दूर भगाणै स्यूं ।  
राजा रो आसण नहीं रवै,  
जनमत नै परै हटाणै स्यूं ।

जद गिरह वजीर उठयो बोल्यो,  
'जनमत रो कोरो छिछळापो ।  
गैला जामै है गळिया में,  
रैसी शासण में नित स्यापो ।'

राजा बोल्यो, 'आ बात नहीं,  
थे जन विवेक नै प्यार करो ।  
मानस बदलो थे माणस रो,  
आखी धरती में प्यार भरो ।

गौरव है राज कराणै में,  
निरबळता नैण डराणै में ।  
आ भूमी सारी भायां री,  
के डर है बात बताणै में ,'

बोल्यो बो, 'म्हार अन्नदाता ।  
जे हुकम हुवै तो अरज करूँ,  
बोल्यो राजा, 'हां बात बता ।'

बारें ऊमा दो रींसी कुंवर,  
सागै दो नार सुहागण है ।  
है कण्व रीसी रा भेज्योड़ा,  
कुहायो 'काम राजशरण है ।'

राजा आणै रो हुकम दियो,  
सै हाजर रामशरण आया ।  
सो देख हुया सै चकाचौंध,  
पण मन में धीर थमा पाया ,

राजा बोल्यो-हण हुकम करो,  
क्यूं कण्व रीसी तो राजी है ?  
बै महामुनीशर बड़ा घणा,  
म्हारै पर पूरा राजी है ?

है तपोभूम में कुशल खेम,  
क्यूं जप तप सै निरबाध चलै ।  
कांई सन्देशो सन्त कयो,  
कीं करण जोग हूं आज भळै ।

माता बोली, हो घणी खमा,  
पूरा तपधारी आप घणी ।  
हो आप सबळ शक्तिधारी,  
किरपा धणियां री घणी घणी ।

आश्रम में मालिक घणो चैन,  
बाबाजी जप तप - मगन रवै ।  
आशीश कुहायो आप धण्यां,  
थानै रोजीनां याद करै ।

हाजिर होई ले हुकम सन्त,  
शरणौ हजूर रै ल्याई हूँ ।  
थे राज काज में इसा रम्या,  
ल्याई हजूर भुलाई हूँ ।

आ परणी थारी राज धण्यां,  
है नाम भलो सो शकुन्तला ।  
आ हुई बावळी बीजोगण,  
थारी अळसाई प्रेमलता ।

‘म्हारी परणी है शकुन्तला’ ?  
सुण गुमसुम होग्यो हो दुषन्त ।  
मुखडै रो आब उतरग्यो हो,  
सरटि मच्यो तन में तुरन्त ।

धरती अम्बर हिलतो दीख्यो,  
 डगमग डोल्यो ज्यूं दिग दिगन्त ।  
 उलटी दीखै सैं भींत मुरत,  
 आंख्या आगै अंधड़ अणन्त ।

साथो गोडा से लगा लियो,  
 हाथां स्यूं सिर नै साम लियो ।  
 चट नाड़ हिली ज्यूं इयां कवै,  
 'ना मै शकुन्त स्यूं व्याव कर्यो ।

देखै ही सोक्यूं शकुन्तला,  
 फूटी ज्यूं माथे पर हांडी ।  
 गोडा ज्यूं पाखी पड़ग्यो हो,  
 लड़गी ज्यूं काया नै बांडी ।

घूँघट रै ओटै दीखै हो,  
 भरतार सांतरो साची है ।  
 अट्टै तो कोई कसर नहीं,  
 पण काया आ निरभागी है ।

गुमसुम देख्यो जद राजताज,  
 माता नै चिन्ता जाग उठी ।  
 ओजूं बोली कीं धीर धार,  
 कीं भावभार स्यूं दबीदबी ।

थे कीं कीं स्यात् भूलग्या हो,  
पीछाण हुई ना परणी री ।  
घूँघट उन्नट जद जाणोला,  
सागरा मूरत है धरणी री ।

उलट्यो घूँघट ज्यूं दीप जग्या,  
मावस री घोर अँधेरी मे ।  
पूनम मुळकी कीं दूर हटा,  
बादल री काळी ढेरी नै ।

दो नैरा नैरा स्यूं घणा जुड़्या,  
इक जोवै मोती डूबेड़ा ।  
दूजी नै मोती लागै ज्यूं,  
जळ रा है थोथा जाल पड़्या ।

इक रो विश्वास जमेड़ो हो,  
दूजो विश्वास गमेड़ो हो,  
इक में दीखै हो दूर दूर,  
दूजी में दीखै नेड़ो हो ।

पूनम चावै ही सागर में,  
भावां री ऊँचो ज्वार उठै ।  
परा सागर जम पाषाण बण्यो,  
जड़ सो होग्यो हो जठै कठै ।



इक बोली-‘इक है अहं त्वं,’  
 दूसरी बोली-‘है त्वं त्वम्,’  
 आ ‘मम’ री ममता कियों जुड़ै,  
 जद संशय हो विश्वास स्वय ।

बोल्यो राजा, ‘क्यूं मात इयां,  
 ओ कूड़ो काळस लागै है ।  
 क्यूं मेरी पावन काया नै,  
 परलोक तलक तूं दागै है ।

ईं आरज भू रो धरम नहीं,  
 पर री नारी नै जोवण रो ।  
 ओ पाठ नहीं म्हानै दीन्यो,  
 अपनी मरजादा खोवण रो ।

आ धरा पिधळ जे मोम बणै,  
 सागर जे परबत बण ज्यावै ।  
 पण वेद भूम री मरजादा,  
 ना डिग कठै ना डिग’ यावै ।

कूड़ी बोळै क्यूं डोकरड़ी,  
 ना कण्व रिसी रो कहलायो ।  
 कोई बैरी म्हारै ऊपर  
 ओ जाळ जोगणी बिछवायो ।

अँ बैरा शकुन्त रै इसा अड़चा,  
ज्यू तीर गड़चा आ छाती में ।  
हो खून काळजै इया बळै,  
ज्यू तेल बळै है बाती में ।

बा बोली, 'कन्त इयां भूल्या,  
के भूल सकै कोई जग में ।  
अपंगी नै परकर चाल पड़चा,  
कर कांठ कंटीला पग पग मे ।

ओजूँ बा रज है पड़ी बठै,  
जीं रज में हियो लगायो हो ।  
बै रूख खड़चा है सागरा ही,  
जीं रूखा मनै छिपायो हो ।

बै पत्ता ओजूँ भड़्या नहीं,  
जिगा सामै आपां कलि कर्या ।  
बै वूँटा ओजूँ बल्या नहीं,  
जिगा सामै माणस मोल कर्या ।

ओजूँ तक धर पर बोह चांद,  
जिगा सामै आपा एक हुया ।  
तारा सागी, अम्बर सागी,  
सागरा बै सारा देव खड़चा ।

आ भूल कियां लागी थानै,  
 बीं जगां चाल'र बतळायां ।  
 जे जाण बूझ'र भूलो हो,  
 थारै हिवड़े नै समझाल्यां ।

नारी रोई नर रै आगै,  
 पण नर रा भाव नहीं फूटचा ।  
 आखो आभो ही बरस पड़्यो,  
 धरती रा बाग नहीं ऊम्या ।

नारी बोली 'हे राजपुरुष,  
 धरती पर ओजूं धरम खड़्यो ।  
 सूरज ओजूं, चँदा ओजूं,  
 ओजूं धरती रो धान खड़्यो ।

राजा स्यूं धोखो करल्यो तो,  
 ओ धोखो धरम कुहावै है ।  
 परजा स्यूं धोखो करल्यो तो,  
 वो राज काज कहलावै है ।

ईं मिनख मिनख रै धोखै नै,  
 ओ राजनेम सुलभावै है ।  
 परजा धोखो जे राजा स्यूं,  
 बै कारा में फंस ज्यावै है ।

आ नारी नर स्यूं धोखो कर,  
 आ बस न सकै ईं धरती पर ।  
 दो बूंद नहीं गेरै माणस,  
 ईं माखोड़ी री मांटी पर ।

अण नर से नारी स्यूं धोखो,  
 सगळाऊं मेटो पाप कन्त ।  
 ओ पाप जगत में नहीं छिपै,  
 कित्तो हो करल्यो जाप कन्त ।

धोखो करले जे घन धर स्यूं,  
 धरती पर धान नहीं दीखै ।  
 कृज्या आखा सै मिनखजाम,  
 धरती पर जीव नहीं दीखै ।

क्यूं सूरज पाणी ल्यावैलो,  
 क्यूं चंदा धरा सजावैलो ।  
 क्यूं रजकरा अपणो हियो फाड़,  
 धरती पर धान उगावैलो ।

क्यूं सागर रहसी मरजादा,  
 क्यूं हिम हिवाळो पिघळावै ।  
 क्यूं नदियां चालै धरती पर,  
 क्यूं दिवस उगेड़ो छिपज्यावै ।

किन्ती निरभागण तूँ भौली,  
 मुंदड़ी बा कठै गमा दीनी ।  
 मारग में पाणी पीयो हो,  
 नदियां में स्यात् बहा दीनी ।

ओ दोष नहीं है राजा रो,  
 ओ दुरवासा रो शाप शकुन्त ।  
 चालों हण घर नै चाल पड़ा,  
 ओ सगळां रो दुरभाग शकुन्त ।

बोली शकुन्त, 'माता मेरी,  
 माइत रै घर स्यूँ भीर हुई ।  
 माइत तो फरज निभा दीन्यो,  
 माइत घर लागूँ घणीं बुरी ।

जें नारी सार्ची हूँ माता,  
 तो नारी धरम निभाऊँली ।  
 मैं देखूँली दुरवासा नै,  
 हूँ अमर जोत जगाऊँली ।

जग जाणै हूँ नारी कौरी,  
 आँसू री बणीं पोटली है ।  
 पण जग नै हूँ जतळा देस्यूँ,  
 आ मोटी शक्त जोत री है ।

## छठो सर्ग

आमै सामै हो उजाड़,  
चली शकुन्त हियो जमार ।  
आगै पाछै लियो रामनै,  
काया नै कूटै में बाड़ ।

हूँगर घणा डरावै हा,  
दरखत आँख दिखावै हा ।  
हूँगी गाजै गाज शेर री,  
गादड़िया अरड़ावै हा ।

मारग कठै न दीखै हो,  
कांट कटीला तीखा हा ।  
बोभां बोभां फिरै बघेरा,  
पग पग दीखै खीखा हा ।

कठै न मारणस बाणी ही,  
जाणी ही न पिछाणी ही ।  
धुक धुक होवै घणो कालजो,  
आखर नार सुहाणी ही ।

पग में दगड़ गड़ु हा,  
 पैरां ऊँडा चूभै हा ।  
 पगां उभाणी फिरै बिचारी,  
 कांटा तीखा खूबै हा ।

तर तर पैरां खून भरै,  
 भाटलिया नै लाल करे ।  
 फाड़ चूनड़ी पाटी बावै,  
 नीर नैरा स्यूँ गाल पड़ै ।

आंचल दूध सस्हालै ही,  
 नैरा नीर सुकावै ही ।  
 आसै पासै देख मिरगल्यां,  
 झूंगी याद दिरावै ही,

रातां घणी डराण्यां ही,  
 सोती गाबा ताण्यां ही ।  
 नींद न आवै हियो कंपावै,  
 कूँटा सारी खाण्यां री ।

कांटा कपड़ा फाड़ लिया,  
 आच्छा बैर्यां लाड कर्या ।  
 गात बिचारा दीखण लाग्या,  
 बोल्या मन में लाज मर्या ।

कांटा वपड़ा फाड़ लिया,  
 आछा बैर्यां लाड कर्या ।  
 गात विचारा दीखण लाग्या,  
 बोल्या मन में लाज मर्या ।  
 जीं काया पर भंवर डुलै,  
 लाज कमलन्यां देख छिपै ।  
 चांद शरमस्यूं बड़े बादली,  
 बा काया आ इयां रुलै ।

मिनख बावळो गरब करो,  
 ऊँचो माधो लियां फिरै ।  
 भूठी काया, भूठी माया,  
 होवे ज्यूं करतार करै ।

×                      ×                      ×  
 पगवत स्यूं पाणी भरै,  
 आभो भरै अथाह ।  
 अरै जमाना देख ले,  
 नारी भुरै धराह ।

कन्ता जे न पिछाणियो,  
 देतो कूणै ठोड़ ।  
 आंती जांती जोंवती,  
 करती दरशन कोड ।



घाव हियै में हा घणा,  
 घावां देह अणंत ।  
 च्यांरु कानी बीजगी,  
 होगी ऐन जड़ंत ।  
 मनड़ा जैड़ो बगत है,  
 बंड़ो देय टिपाय ।  
 थमसी बैतो बायरो,  
 आसी मेह घणाय ।

× × ×

शकुन्तल थकेड़ी थमगी ही,  
 टील पर जायर जमगी ही ।  
 मन में सोचै ही घणी घणी,  
 आसै पास हो बणी घणी ।  
 कीनै जास्यूं की घर जास्यूं,  
 कीं घर जायर पूत सुवास्यूं ।  
 एक नार, दूजो पग भारी,  
 कूकर पड़सी पार बात री ।  
 इत्त में उठ्ठी बादळियां,  
 बरसणलागीघण सावणियां ।  
 घनघटा औसरी महाजाळ,  
 ज्यू फोड़ण चाली ही पताळ ।

आंधी रो-इक मूंसाट उठयो,  
 च्याहूँ कूँटा अरड़ाट उठयो ।  
 डूँगे अम्मर धरड़ाट उठयो,  
 हूँखांमें भट जरड़ाट उठयो ।

हण उठी शकुन्तल कूट तकै,  
 इत्ती ताकत ही बठै कठै ।  
 कंप कंपी चढ़ी काया ध्वजी,  
 बचणौ री राह नहीं सूभी ।

आंख्या में घोर अंधेरो हो,  
 इक दरखत दीख्यो नेड़ो हो ।  
 दरखत रै पेड़ जाय अड़ी,  
 सूनी होगी ही पड़ी पड़ी ।

जागी जद कुटिया में सूती,  
 देखी बण नार्यां दो ऊभी ।  
 सारै बै आग जगावै ही,  
 तन च्याहूँमेर तपावै ही,

ऊँडी पेड़ में पीड़ उठी,  
 दोनों मन में सा बात पढ़ी ।  
 सगळां रो दुख हो हिल्यो मिल्यो,  
 पल में आंचल मैं फूल खिल्यो ।

गल गलन गलन बट बाल बज्यो,  
 गल गलन नकुन गो भाल बिल्यो ।  
 जगल में नगल गल छिड़्यो,  
 हुनो हुंगो हो नाल छड़्यो ।

जज्यप      जोगी      पूंचये,  
 राख्यो      नाम      भरन ।  
 'बरती      गेड़ो      ना      हुयो,  
 गेड़ो      बगै      चरिन ।'



## सातवों सर्ग

तू चाल कलम आ चाला,  
दरबार दुषन्त जठ हो ।  
गळचट में फंसर्यो राजा,  
करण के आज अठ हो ।

मछवो सामै इक ऊभो,  
कांपै ही काया थर थर ।  
राजा रै हाथ अंगूठी,  
निरखै हो बीनै तर तर ।

माथै पर भाव बणै हा,  
मडै हा फेर मिटै हा ।  
अं कुण सै आखर बांचै,  
के के औ बात कवै हा ।

ईनै ओ कवच तलायो,  
तरकस अर धनस समायो ।  
मातल आयो लेवण नै,  
इनै ओ गूंठी ल्यायो ।

झालल इन्दर रो भेज्यो,  
मोटो मंत्री मानीज्यो ।  
हो सुर असुर रो भगड़ो,  
दानव हो तेज भरीज्यो ।

दानव जे जग सें होसी,  
मानव के सुख स्यूं रेंसी ।  
सावळ समझायां दानव,  
कावळ ही कावळ करसी ।

कांटो कांटै स्यूं निकळै,  
नीं कांटो घाव दुणीजै ।  
जग में ओ राद भरै है,  
जे कांटो प्यार पुजीजै ।

अँ सूरवीर बांकड़ला,  
कांटै कांटै री खेती ।  
मिनखां रो धान हिराळी,  
आवै सिद्धा में छेती ।

परा बीनै याद करायी,  
गूँठी हिवड़ै री राणी ।  
मूरत सी मंडी शकुन्तल,  
ऊभी ही हियै पिछाणी ।

हुँगी लखी है नखी,  
नखी नै कट मिली ही ।  
ऊपर तो तान दुष्ट हो,  
आ हाँटे प्यार तुली ही ।

दीनै तो खड़ी शकुन्तल,  
जंगलां नें खड़ी बुलावै ।  
दीनै हो करम मिनख रो,  
दीनै हण तोल करावै ।

हण प्रेम नेम तराजू,  
तोलण लान्यो हो सूरौ !  
प्रेम मिनख रो अपणो,  
पण नेम सकल समूह रो ।

स्वारथ डोवै जगती नै,  
एकल रो अरथ सकल में ।  
जे सुरग धरा पर ल्याणो,  
रखणी आ बात अकल में ।

के सुरग कल्पना कोरी ?  
भाणस री अवकल थोड़ी ।  
जे असुर मरै ईं मन रो,  
तो सुर स्वयं ही ओही !

इन्दर रो सुरग बचाणो,  
दानव नै मार भगाणो ।  
दुषन्त लियो हो निग्णय,  
मानव रो धरम टिकाणो ।

तरकस अर तीर सम्हाल्या,  
चट चढ़ विमाण पर चाल्या ।  
पल पल हो इन्दर डीकै,  
अगवाणी करर सम्हाल्या ।

अब सूर समर में जूझ्यो,  
असुरां री सेना लांबी ।  
दार रै मद मे भूम,  
बिकराळ खड़चा हा सामी ।

सै धनस ताण हा खींच्या,  
हाथ्यां पर घणा तणीज्या ।  
लांबी लांबी ही मूँछूरा  
आंख्यां में रोस भरीज्या ।

हा काळ नेम रा बंशी,  
दुरजय हा नाम धरीज्या ।  
इन्दर रो राज छुटावण,  
दानव हा जुध में जूझ्या ।

इन्दर री फौजां रथ में,  
ही खड़ी सांतरी जच्चो ।  
लोचां री खड़ी कतारां,  
जुध रै रंगत में रच्चो ।

ललकार कथो अथ राजा,  
दानव हण नहीं रथेलो ।  
हैं एक एक नै नैस्यूं,  
आरज री भूष जळेलो ।

ओ सुरम रथेभां प्ररती,  
दानव री नाग पळेलो ।  
ओ सूरपगो रै, पद तक,  
सुर र भिग्गव रथेलो ।

बाजी जालाई रथ री,  
जोधा में जाला भरीज्यो ।  
सै बाण नागगं गमग्या,  
दानव री नेता भरीज्यो ।

तर-तरण नीरझ पाल्या,  
सूंसाट ऊपझ्यां गगळे ।  
हैं धुंधाधोर री भचग्यो,  
धा अथ जाल्या रगड़े ।



ज्यूं ज्यूं वै बीर बढै हा,  
लाशां पर आप चढै हा ।  
हण हुयो होंसलो ऐड़ो,  
तीरां पर तीर कडै हा ।

असुरां रो असर न ओजूं,  
चौगड़दैं हीण हुयो हो ।  
कोत्यूं तो मार गिराया,  
लूंठा में रोस वड़यो हो ।

सामी आ छाती अड़ग्या,  
वै वार करै अणहूँता ।  
सूरां री छाती फड़की,  
आवै जूयां पर जूथां ।

अगनी रा बाण चलाया,  
बरसै ही आग धधकती ।  
देवां री काया कांपी,  
लख भोभर घण बरसती ।

आभो हण अगणी बरसै,  
पैरां में आग पड़ी ही ।  
घोड़ां रो हिवड़ी हाल्यो,  
ओड़ी आ इसी पड़ी ही ।

चुपन्त हणै हूँकार्यो,  
 मेरी घरती रा बीरो ।  
 ना कायर पूत कुहाओ,  
 ना दुश्मन्य प्रीठ दिखाओ ।

मरणो है या जीणो,  
 ईं जीणै खातर मरणो ।  
 ओ घरम नहीं सूरों रो,  
 मरणै खातर के डरणो ।

ब्रह्म मेघ बाण सम्हाल्या,  
 कानां तक ल्याय चलाया ।  
 आभै में विरखा फूटी,  
 खाळां पर खाल चलाया ।

अगनी रो भोभर बूझी,  
 दानव रो काया धूजी ।  
 हण अगनी बाण अफळ हल,  
 अब और न याया सूझी ।

बै गेर तीरड़ा भाज्या,  
 लैरें स्यूं मार पड़ीज्या ।  
 दुश्मण रो बीज न रैवै,  
 नौला है दया पसीज्या ।

आ आसा चिमकी शकुन्त हिय,  
 मतड़ै री बेलां लहराई ।  
 जीवण रा आखा फूल खिल्या,  
 हिवड़ै रो पांख्यां फेलाई ।

सूती शकुन्तला कुटिया में,  
 पसवाड़ै गीगो सोयो हो ।  
 निधड़क हा दोनू नींदा में,  
 आम्बर चंदै ले धोयो हो ।

उचटी शकुन्तला चाराचकै,  
 सपनै में दीख्यो परणीज्यो ।  
 भळक्यां आंख्यां में आंसूड़ा,  
 पूंछण में आंचलियो भोज्यो ।

फेर्यो पसवाड़ो चूम लिया,  
 गीगै रै गेरां गालां नै ।  
 हिवड़ो हिमजळ सो होग्यो हो,  
 मोती मिलग्या हा माळा नै ।

दिनड़ा यूं घटता जावै हा,  
 नव बूँटा बढ़ता जावै हा ।  
 पल ज्यूं ज्यूं आवै जावै हा ।  
 ऊपर रा टुकड़ा खावै हा ।

नानड़िया छरा छरा बढ़ता हा,  
 जौबन रा चलपल घटता हा ।  
 बूढ़ा - बोदै रो बास छोड़,  
 आगै री आशा करता हा ।

पलड़ा बीत्या, दिनड़ा बीत्या,  
 मीना बीत अर बरस बीत्या ।  
 दुख सुख री मिलवां घड़ियां में,  
 जिन्दगी रा छै बरस रीत्या ।

सरदी री शीतल वेळा ही,  
 हिम स्यूं भीजेड़ी पून चलै ।  
 गावां में तीखी लागै ही,  
 आभै स्यूं जाणै बरफ भरै ।

परबत री टोख्यां घोळी ही,  
 ज्यूं सीयाळै रो ताज हुवै ।  
 घोळै बरणो सो आसमान,  
 ज्यूं हिम रो आखो राज हुवै ।

सै जीव जम्या हा कूणा में,  
 ओ रट्ट ओसर्यो भैड़ो हो !  
 कै मिनख बाळगे आग तपै,  
 कै बैठ्या नेड़ै तेड़ै हो ।

गावा हण प्यारा लागै हा,  
आंख्यां में सारा जागै हा ।  
सी-सी करता डरता सगळा,  
सै अन्त काम में लागै हा ।

बेटो सूत्यो हो माची पर,  
माता जाग्योड़ी बैठी ही ।  
जागण री बेळा होगी ही,  
माताजी घणी अडीकै ही ।

बोली माता हण बेटे नै,  
सूरज री आभा जागी है ।  
तूँ जाग जाग रे जाग जाग,  
जागण री बेळा आगी है ।

ओ आरज भूमि रा सपूत,  
आंचल रै दूधै रा दुलार ।  
मां रा लाड़ेसर लाल बाल,  
आशा में पाल्यो एक प्यार ।

शेरां रा बाळ अडीकै है,  
सागै खेलण नै गायड़मल ।  
बाधां रा लाल अडीकै है,  
सागै रम्मण नै फूटरमल ।

भूमी रो भार अडीकै है,  
धरती पर धरम उतारण नै ।  
दुखिया रा आंसू डीकै है,  
सुख री सुरसर ल्यावण नै ।

च्यारूँ कूँटा में चिड़कोल्यां,  
निरमाण जगावण आगी है ।  
तूँ जाग जाग रे जाग जाग,  
जागण री बेळा आगी है ।

बेटा ओ देश घणो मोटो,  
मरजादा ईंरी मोटी है ।  
आ धरा धरम नै पालण में,  
धारी बस एक लंगोटी है ।

मोटी है मां रो नाम घणो,  
मोटो है मां रा घणा काम ।  
दुनियां में मोटा कामां स्यूँ,  
मां रो है मोटो घणो नाम

मां रो नित मीटो नाम रवै,  
मीटी मायड़ आ सबळा है ।  
मां रो ओ नाम नहीं लाजै ।  
एहड़ा सै कारज करणा है ।

सै करम धरम रा नेम थाम,  
भायड़ री मरजादा जागी है ।  
तू जाग जाग रे जाग जाग,  
जागण री बेळा आगी है ।

आंचळ रो दूध लजाई ना,  
कूमाता पूत कुहाई ना ।  
ईं मां रो जायो बेटो तू,  
माता रो नाम डुबाई ना ।

दुखिया नै कदै दुखाई ना,  
थाके नै कये थकाई ना ।  
अपणी सीमा नै पार लांघ,  
संत्यै नै कदे सत्ताई ना ।

पर री पीड़ा नै खोरौ में,  
देखी तू मजा घणा आसी ।  
पर री व्याधी नै ढोरौ में  
माणस रो धरम समझ आसी ।

जीवण रो मरम बतावण नै,  
फूलां री कळियां जागी है ।  
तू जाग जाग रे जाग जाग,  
जागण री बेळा आगी है ।

भरत उठ्यो ज्यूं भूप उठ्यो,  
माता रो सागरा रूप उठ्यो ।  
हो लोल लटा री लटखाई,  
ओ मंजुल रूप अनूप उठ्यो ।

ज्यूं कमल खिल्यो सरवरियें में,  
आभै मैं जाणै चांद खिल्यो ।  
ज्यूं दिवलो जोयो अधियारै,  
ज्यूं खोयै हिय नै प्यार मिल्यो ।

गालां री लाली लालफूल,  
नैणा ज्यूं ऊपर दीप जगै ।  
कोरां में काजळ घाल्योड़ो,  
ज्यूं फूलां ऊपर भंवर रमै ।

हण भरत कलेवो ले खायो,  
तिरक बाणां ली बण सम्हाळ ।  
ले बाघ बघेरा बचिया नै,  
रूखां पर मांड्या हण निशान ।

सूँसाट ऊपड़ै बाणां रो,  
धड़ धड़ंद रूखड़ा जाय पड़ै ।  
गरणाट ऊपड़ै गहवर में,  
बब्बर डूंगर में जाय बड़ै ।



बै चढै शेर रो पीठ्यां पर,  
गादड़ सो डांगर गरळावै ।  
बो पकड़ जबाड़ी जकड़जंत,  
जंगल रो राजा अरड़ावै ।

लख माता मन में हरखावै,  
थापी दे कुटिया बड़ ज्यावै ।  
आगे रो स्याणी बात बता,  
कारज में ओजू जम ज्यावै ।

इत्तै में घुड़ला टाप सुणी,  
नेड़ै आ घुड़लो थाम लियो ।  
बण देख भरत नै यूँ रमन्ता,  
अचरज में एड़ो बैण कयो ।

‘कुण है तू, के है नाम बता ?  
कीं रो तू बेटो पोतो है ।  
है किसो धाम ? है गांव कठे,  
के जात पांत के गोतो है ?’

बो ठहर कयो, ‘हे राजभेष,  
हूँ जंगलवासी है भरत नाम ।  
बेटो हूँ अपणी माता रो,  
है राजकरण रो काम धाम ।’

राजा ने थोड़ो बहम हुयो,  
बोल्यो बो 'तेरी मात कठै ?'  
इत्तै में बारै आ शकुन्त,  
जड़सी होगी ही जठै कठै ।

दोनां री नैणा ही एक तार,  
होगी ज्यूं घणी पिछाणी सी ।  
समझ्यो दुषन्त 'आ सागरा है,  
परणीजी सहज सुहाणी सी ।'

बोल्यो बो राणी शकुन्तला,  
बस खमा करो बड़ भूल हुई ।  
अकल में जाणै के वड़ग्यो,  
आ ऐन जकड़'र मूळ हुई ।

हूं नहीं पिछाण्यो के जाणू,  
आ भावी इसी बितानी ही ।  
पछताओ इसो बड़यो मार्य,  
आ बरणी इसी कहाणी ही ।

आयो मछवो आ गूंठी ले,  
मछली रै पेट मिली बीनै ।  
सा याद पुराणी जद आई,  
सा धरा छाण आयो ईनै ।

आ भूल माफ़ रै जोग नहीं,  
ओ जोग इसो थानै दीज्यो ।  
रण वासा रहणै जोगा हा,  
जंगल में वासो कर दीज्यो ।

राणी बोली, हे कन्त सुजन,  
भागण हूँ आज घणी मोटी ,  
ओ दोष कियौ थानै देऊँ,  
तकदीर मेरली ही खोटी ।

अ दुख है माणस खातर ही,  
दुख में फिर रोगो धोगो के ।  
हूँ भेल लिया कीं आसा में,  
दुख में है आपो खोगो के ।

ओ म्हारो तप पूरो होग्यो,  
दुरवासा शाप उतरग्यो है ।  
म्हारो जीवण रो सूरजड़ो,  
झूव्योड़ो आज निसरग्यो है ।

ओ बेटो थारो है भरत नाम,  
शेरां रै साथ रमायो है ।  
आछी हूँ सिकस्या दीनी है,  
आछी हूँ काम बतायो है !

बोल्यो राजा राणी मेरी,  
तप में तप्योड़ो भरत कुंवर ।  
आरज भूमि पर राज करै,  
माता री भावी बर्ण सुघड़ ।

हूँ आज ढिठोरो पिटवाद्यूँ,  
माता री 'भारत' नाम धरां ।  
राणी स्यूं जामी मोटी है,  
आ बात जगत सरनाम करां ।

राणी बोली, म्हारा स्वामी,  
हूँ कलषी भूली आज सकल ।  
दे सकी भरत सो पूत आज,  
मेरी काया री नाम सफल ।

के नार ? नार री कूख बड़ी,  
के नारी तूर रूप स्यूं है ।  
पत्तां स्यूं कांई फुटरापो,  
वूंटै री मोल फूल स्यूं है ।

इत्तै में कश्यपजी आ पूंच्या,  
मोटा तप में हा तप्या रिसी ।  
जोड़ी नै देख हरख होयो,  
अँ घड़ियां ही अणामोल इसी ।

## पैलो सर्ग

१ विश्वामित्र तप क्यूँ सारू कर्यो —

(क) वो धन रो भूखो हो ।

(ख) अपणी काया रो काट उतारै हो ।

(ग) मेनका स्यूँ व्याव करणो च वै हो

(घ) इन्द्रासण री कामना ही ।

(ङ) वो भगवान् रो दरशण करणो चावै हो । [

२ मेनका नै धरती पर क्यूँ रंवणो पड़्यो —

(क) बीरै मनै सुरग पूँचण रो साधन कोनी हो ।

(ख) बा सुरग स्यूँ ऊबगी ही ।

(ग) इन्द्र स्यूँ आणै री मंजूरी कोनी ही ।

(घ) बण विश्वामित्र स्यूँ व्याव कर लियो हो ।

(ङ) बा धरती पर घूमणो चावै ही । [

३ मेनका नै धरती पर क्यूँ भेजी ?

४ इन्द्र कठै रो शासक हो ?

५ बा पगत लिखो जकी में तप भग सारू नरतकी नै भेजण रो  
भावना मिलै है ।

६ इन्द्र सभा क्योँ बुलाई ही ?

७ इन्द्र रा सभासद् काँई निरणय लियो ?

८ शकुन्तला रो नाम 'शकुन्तला' क्यों पड़्यो ?

९ शकुन्तला कण्व रीसी रै आश्रम में कयां पूंची ?

## दूजो सर्ग

१ कण्व रै आश्रम में भगदड मची, क्यों के

(क) कई लुटेरा तपोवन नै लूटण आग्या हा ।

(ख) एक जगां गोलयां चालगी ही ।

(ग) जेर रो चोरी कांड होग्यो ह्ये ।

(घ) मोटा मेहमान आग्या हा ।

(ङ) दुषन्त रें घोड़ रैं टपण स्यूं हल चल मचगीही । [ ]

२ दुषन्त अर शकुन्तला रो व्याव आजकल री तरियां क्यों कोनी हुयो ?

(क) शकुन्तला ई विध रैं पख में कोनी ही ।

(ख) व्याव री आ विध बा दिनां ही कोनी ।

(ग) दुषन्त कनै टेम कोनी ही ।

(घ) कण्व रीसी ई व्याव रैं पख में कोनी हो ।

(ङ) व्याव री आ विध बा दिनां ही । [ ]

३ भर भर भरणा भरता हा

ई पंगत में कुणसो अलकार है ?

(क) उपमा (ख) रूपक (ग) वृत्त्यनुप्रास

(घ) छेकानुप्रास (ङ) यमक [ ]

आं पंगल्यां में कीरी महत्ता बढ़ी ?

(क) दुरवासा (ख) दुष्यन्त (ग) मूंदड़ी

(घ) भावी (ङ) शकुन्तला

[ ]

५ अ काया तेरै करमां में,

के के भावी रा जाळ बीछ्यां ।

अरै विधाता ईं पोथी में,

काळा पीळा के लेख लिख्या ।

ईं पद्यांश रै पढ़णै स्यूँ पाठक रै मन में कांई विचार उठै ?

(क) भविष में अघेरो ही अंधेरो है ।

(ख) जीवण पीड़ स्यूँ भर्यो है ।

(ग) आंगूच निरणय लेणो फालतू है । .

(घ) जिन्दगानी में निराशा अर कुंठा भरी पड़ी है।

(ङ) आगै रो अनुमान कोनी लगायो जा सकै । [ ]

६ कवि साधु सार 'मोड़ो' शब्द क्यूँ काम में लियो ?

७ शकुन्तला दुरवासा रै शाप रै बाद मूंदड़ी तुरत क्यूँ संभाळी ?

८ दुरवासा आपरै शाप में संशोधन क्यूँ कर्यो ?

९ बां पंगल्यां नै छांटो जकै रै मांय कवि ऊँध्याळे रो वरणन कर्यो है, ई वरणन में कांई खासियत है ।

१० ईं सर्ग में दो बार शकुन्तला भगवान् नै याद कर्यो, दोनूँ बारां रो मंतव्य री तुलना करो ।

## चौथो सर्ग

१. जे फिरै विराइ बेटी यूँ,  
के दुख न उठै ई माता नै  
आ पंगत्या में बेटी (शकुन्तला) “विराई” कीया बताई गई ।  
(क) शकुन्तला रैन में पीड़ ही ।  
(ख) बीनै बीरो मिनख लेवण कोनी आयो ।  
(ग) बा सासरै जाणो कोनी चावै ही ।  
(घ) बा माइतां स्यूँ नाराज ही  
(ङ) मौसम उदास हो । [ ]

- २ माँ बोली ‘थे तो दुनियाँ स्यूँ’  
अपणो ओ मुखड़ो मोड़यो है’ ।  
आं पंगत्यां में गौतमी काँई कैणो चावै है ?  
(क) कण्व आपरी व्यवस्था सारू जागरूक कोनी हो ।  
(ख) रीसी नै आश्रम छोड़’र नीं जाणो चाहिजै ।  
(ग) बीनै आपरो मूँडो सीधो राखणो चाहिजै ।  
(घ) बींरी उपेक्षा री नीति ठीक कोनी ।  
(ङ) शकुन्तला नै सासरै भिजवाणी चाहिजै । [ ]

- ३ जे भोळी नारी जीवण नै,  
दुरवासा इयां रुळा देसी ।



(ख) बादला स्यूँ पाणी वरस्यो, पण वाग कोनी ऊग्या ।

(ग) पाणी वरसणै स्यूँ वाग कोनी ऊग्या ।

(घ) घणी विरखां स्यूँ वाग मुरभाग्या ।

(ङ) शकुन्तला घणी रोई पण दुषन्त रो हिवड़ो कोनी पिघल्यो

[ ]

५ दुषन्त शकुन्तला नै कोनी पिछाण सक्यो, क्यूँके,

(क) शकुन्तला रै डीलडोल में फरक हो ।

(ख) दुर्वासा रै शाप रो परभाव हो ।

(ग) शकुन्तला स्यूँ मिल्यां भोत दिन होग्या ।

(घ) शकुन्तला री मूंदड़ी गमगी ही ।

(ङ) शकुन्तला रै मूंडै घूँघटो हो ।

[ ]

६ गृहमंत्री लोकराज रै विरोध में कांई दलील दी ?

७ शकुन्तला रै घूँघटो उतारणै रो कांई अरथ हो ।

८ 'म्हारी परणी है शकुन्तला ?' में कुणसो भाव छिप्योड़ो है ।

९ शकुन्तला आपरै पख में कांई कांई तर्क दिया ।

१० आप कियां कह सको हो के ईं सर्ग में संवादां रो वरणन सांगोपांग हुयो है ।

११ शकुन्तला गौतमी रै साथै पूठी जाणै सारु नकारगी, क्यूँ ?

## छठो सर्ग

१ हूँगर घणा डरावै हा,  
दरखत आंख दिखावै हा ।

हूँगी गाजै गाज शेर री,

गादड़िया अरड़ावै हा ।

आ पंगत्यां में कुणसै परिवेश रो चितराम है ?

(क) भय (ख) विषाद (ग) निराशा (घ) वेदना

(ङ) प्रलाप

[ ]

२ 'ऊँचो माथो लिया फिरै'

ई पंगत में मिनख रै मन गी कुणसी स्थिति रो बरणन है ?

(क) अहं (ख) लज्जा (ग) सन्तोष (घ) द्वेष (ङ) कायरता

[ ]

३ थमसी बैतो बायरो

आसी मेह घणाय ।

आ पंगत्यां स्यूँ कुणसो अर्थ निकलै है ?

(क) हवा रै ठहरणै स्यूँ बिरखा थमै है ।

(ख) दुख रै पाछै सुख आवै है ।

(ग) हवा आवै है अर बिरखा सरू हुवै है ।

(घ) हवा रै चालणै स्यूँ बिरखा आवै है ।

(ङ) जित्ती हवा चालै है बित्ती बिरखा आवै ।

[ ]

४ इत्ती में उड़ी .....जरड़ाट उठयो है ।

आ पंगत्या में काव्य सौष्ठव रो बरणन करो ।

५ हूँगर घणा डरावै हा,

दरखत आँख दिखावै हा ।

आ पंगत्यां में प्रकृति रो मानवीकरण है. कियौ ?

६ डरावणै जंगल में शकुन्तला री जकी मन री हालत बणी, आप री भाषा में लिखो ।

७ शकुन्तला रै भाग खुलणै रो बरणन कुणसी पंगत्यां में मिलै, लिखो ।

(क) छेकानुप्रास (ख) लाटानुप्रास (ग) वृत्यानुप्रास  
(घ) यमक (ङ) श्लेष

[ ]

३. सूंसार ऊपड़ै ..... जंगल अरड़ावै ।

आं पंगत्यां में भाव है—

(क) वेदना (ख) हास्य (ग) व्यंग्य (घ) विनोद (ङ) उत्साह

[ ]

४. म्हारो जीवण रो सूरजड़ो हूब्योड़ो आज निसरग्यो हो—

ईं पंगत में शकुन्तला कांई कैवणो चावै है ?

(क) सूरज नाम रो आदमी हूवग्यो हो, आज निसरग्यो हो

(ख) हूब्योड़ो सूरज निसर आयो ।

(ग) निरभागण रो भाग जागग्यो ।

(घ) सूरज रो भाग जागग्यो ।

(ङ) हूवेड़ी किरण बारै निसरगी ।

[ ]

५. 'टूट' अर टोटो स्यूँ कांई अरथ समझो हो ?

(क) पीड़ (ख) कुंठा (ग) घुटण (घ) अभाव (ङ) टूटणो

[ ]

६. भरत आपरो परिचय कियां दियो ।

७. दुषन्त शकुन्तला नै कयां पीछाणी ?

८. बा पंगत्यां नै छांटो जक्यां में भरत री निशानी बाजी रो चित्तराम है ।

९. जागरण गीत रो बरणन राजस्थानी में १०० शब्दां में लिखो ।

१०. शकुन्तला रै आशावाद री समीक्षा करो ।

११. कश्यप रीसी री भावनावां रो अपणै शब्दां में लिखो ।

## छठोँ सर्ग

आमै सामै	- आमने सामने
डूँगर	- पट्टाड़
अरड़ावै	- जोर से रोना
दग्गड़	- पत्थर
उभाणीं	- बिना जूतों के
कूणै	- कोना
ऊभी	- खड़ी हुई

सीयाळै - मर्दो

आरज - आर्य

गायड़मल - लाडला वच्चा

फूटरमल - सुन्दर वच्चा

संत्यै - सताया हुआ

कलेवो - नाश्ता

डांगर - पशु

ढिढ़ोरा - ऐलान

टूट - अभाव

टोट - अभाव

## सातवों सर्ग

गलचट - दुविधा

सावळ - उचित

कावळ - उलटा

लोथां - लाशे

चौगड़ दै - चारों ओर

अणहूँता - अनजाने

भोभर - आग

ओडी - संकट

भीखो - संकट

हणन्त - हनन करनेवाला



## आठवों सर्ग

मावस - अमावस्या

चाणचकै - अचानक

नानड़ियो - छोटा वच्चा

# पूरे खण्ड काव्य स्यूँ

6 अ-93

- १ अपणै गुरुजी स्यूँ जाणकारी करो के खण्ड काव्य अर महाकाव्य में काई फरक है ?
- २ प्रबन्ध काव्य दूजै काव्यां स्यूँ कियुं अलग है ।
- ३ ईं काव्य में आपनै कुणसो सर्ग सगळाऊँ बढिया लाग्यो अर कियुं ?
- ४ नीचै लिख्या पात्रां रा काव्य रै आधार पर चरित्र चित्रण करो:-  
(क) शकुन्तला (ख) दुषन्त (ग) कण्व (घ) दुरवासा  
(ङ) कश्यप
- ५ ईं काव्य में कुणसी रीतुवां रा बरणन मिलै है, प्रकृति बरणन में कवि कठै ताई सफल हुयो है, अपणो विचार लिखो ।
- ६ शकुन्तला रा कवि करणीदान वारहूठ रो पूरो परिचय दचो ।
- ७ शकुन्तला रै बिना राजस्थानी रा और खण्ड काव्यां री जाणकारी देओ ।
- ८ नुई राजस्थानी साहित्य रै दूजै कवियां रो परिचय दचो ।
- ९ खण्ड काव्य री निजर स्यूँ आप हिन्दी अर राजस्थानी री तुलना करो ।
- १० 'मातर भासा रै माध्यम स्यूँ शिक्षा' पर एक लेख लिखो ।

